

NEWSPAPER CLIPPING

Date	:	02 Mac 2018
Title	:	PKS-Uniten yakin juara berganda
Publication	:	Harian Metro Online
Page	:	

PKS-Uniten yakin juara berganda



PEMAIN Blue Warriors, Reena Rani (tengah) diasak pemain PKS UNITEN pada Liga Hoki Wanita di Stadium Tun Razak.



NEWSPAPER CLIPPING

Date	:	02 Mac 2018
Title	:	PKS-Uniten yakin juara berganda
Publication	:	Harian Metro Online
Page	:	

Saiful Affendy Sapran

saifulaffendy@hmetro.com.my

Kuala Lumpur: Selepas muncul juara Liga Hoki Wanita Malaysia, PKS Uniten-KPT jelas bercita-cita besar untuk memenangi trofi kedua iaitu Piala Vivian May Soars apabila bertemu Blue Warriors, pada aksi final hari ini, sekali gus bakal memenuhi sasaran meraih kejuaraan berganda musim ini.

Ketua jurulatih PKS, Lailin Abu Hassan mengakui kedua-dua trofi itu memang sememangnya menjadi sasaran utama mereka pada musim ini.

Bagaimanapun, beliau sedar bukannya mudah untuk mencapai hasrat itu kerana Blue Warriors juga pastinya akan berusaha menafikan impian mereka itu, terutama selepas mereka terlepas trofi kejuaraan liga kepada PKS.

Perlawanan final hari ini dijangka sengit selepas kedua-dua pasukan mencatat keputusan seri pada dua aksi liga dengan PKS hanya dinobatkan selaku juara liga menerusi kelebihan perbezaan jaringan saja berbanding Blue Warriors.

"Memang kami meletakkan sasaran meraih dua piala musim ini. Satu sasaran sudah tercapai dan sekarang setiap pemain perlu menggandakan usaha untuk mencapai satu sasaran lagi.

"Blue Warriors sememangnya lawan yang cukup sukar. Saya sendiri dapat melihat semangat juang tinggi mereka yang tidak mengenal erti putus asa ketika saingan separuh akhir bertemu TLHT (Pasukan Hoki Wanita Terengganu)," katanya.

Pada aksi separuh akhir semalam, Blue Warriors sekadar meraih kemenangan tipis 1-0 ke atas TLHT, jauh berbeza berbanding PKS yang membelasah KL Wipers 11-2 pada satu lagi aksi separuh akhir.

"Saya sudah pesan kepada setiap pemain jangan terlalu leka dengan kemenangan besar yang kami perolehi.

"Sebabnya, pentas final biasanya satu tahap yang berbeza. Apa saja boleh berlaku ketika aksi sebenar," katanya.

Artikel ini disiarkan pada : Jumaat, 2 Mac 2018 @ 4:35 AM